

RESOLUCIÓN DA DIRECCIÓN XERAL DE XUSTIZA, POLA QUE SE CONVOCAN POSTOS PARA SÚA PROVISIÓN TEMPORAL MEDIANTE O SISTEMA DE SUBSTITUCIÓN

A Lei Orgánica 6/1985, do 1 de xullo, do Poder Xudicial dispón no seu artigo 527.2 que con carácter excepcional poderán ser cubertos temporalmente mediante substitución os postos de traballo que se atopen vacantes ou cando o seu titular estea ausente.

O Real decreto 1451/2005, do 7 de decembro, polo que se aproba o Regulamento de ingreso, provisión de postos de traballo e promoción profesional do persoal funcionario ao servizo da Administración de xustiza, ditado en desenvolvemento do previsto na Lei Orgánica do Poder Xudicial, regula no seu artigo 74 as substitucións.

Así mesmo, e no exercicio das súas competencias, por parte da comunidade autónoma de Galicia ditouse a Resolución do 18 de maio de 2022, pola que se regulan as substitucións entre persoal funcionario no ámbito da Administración de xustiza na Comunidade Autónoma de Galicia.

O artigo 1 da dita resolución establece: "Esta resolución ten por obxecto regular a provisión de forma temporal, mediante substitucións, dos postos de traballo reservados ao persoal funcionario integrante dos corpos ou escalas xerais ao servizo de Administración de Xustiza –corpos de xestión procesual e administrativa, de tramitación procesual e administrativa e mais de auxilio xudicial– que presten os seus servizos na Administración de Xustiza en Galicia cando estes postos se atopen vacantes tras seren ofertados en comisión de servizos, ou cuxo titular estea ausente en períodos de longa duración. Así, cubriranse baixo esta forma de provisión, entre outras, prazas cuxo titular estea ausente por estar en comisión de servizos e prazas que, ofertadas en comisión de servizos, non se cubriran ".

Producida a desocupación de diversos postos susceptibles de cobertura mediante substitución entre titulares, procede anunciar a convocatoria para a súa provisión temporal, de acordo co previsto nos artigos sete e oito da Resolución do 18 de maio de 2022, pola que se regulan as substitucións entre persoal funcionario no ámbito da Administración de xustiza na Comunidade Autónoma de Galicia.



BASES DA CONVOCATORIA

PRIMEIRA. Destinatarios/as

Persoal funcionario de carreira dos corpos e escalas xerais ao servizo da Administración de xustiza con destino en órganos radicados na Comunidade Autónoma de Galicia que estea en situación de activo en xulgados, tribunais, fiscalías ou outros órganos da Administración de Xustiza.

O persoal funcionario que na data da respectiva convocatoria estea a desempeñar un posto en comisión de servizos ou substitución poderá participar na dita convocatoria sempre que leve máis de seis meses na comisión de servizos ou substitución respectiva.

SEGUNDA.- Postos de traballo ofertados

Os relacionados no Anexo I, coa indicación da causa que motiva a ausencia do seu titular, e o posto singularizado relacionado no Anexo II, para o cal se indican os requisitos e os criterios de adxudicación.

TERCEIRA.- Solicitudes

1. Todas as persoas solicitantes deberán completar obrigatoriamente a súa solicitude a través do formulario electrónico dispoñible na Oficina Virtual do Persoal da Administración de Xustiza (OPAX), no sitio web <http://opax.xunta.es>
2. O prazo de presentación de solicitudes será de TRES DÍAS hábiles desde o día seguinte ao da publicación da presente resolución na intranet de Xustiza e na web da Consellería.

CUARTA.- Recursos

Contra a presente resolución, que esgota a vía administrativa, poderase interpor recurso de reposición ante o director xeral de xustiza no prazo dun mes (arts. 123 e 124 da Lei 39/2015, do 1 de outubro, do procedemento administrativo común das administracións públicas) ou recurso contencioso-administrativo ante o órgano xudicial competente no prazo de dous meses (art. 14 da Lei 29/1988, do 13 de xullo, reguladora da xurisdición contencioso-administrativa).

O Director Xeral de Xustiza
José Tronchoni Albert



ANEXO I

Órgano xudicial da desocupación:	Xdo. do Penal n. 2 Ferrol		
Motivo da desocupación:	Comisión de servizos	Corpo:	CTPA
Órgano xudicial da desocupación:	Xdo. 1ª Instancia e Instrución n. 1 Carballo		
Motivo da desocupación:	Comisión de servizos	Corpo:	CTPA
Órgano xudicial da desocupación:	Aud. Prov. Sección n. 1 Lugo		
Motivo da desocupación:	Comisión de servizos	Corpo:	CXPA
Órgano xudicial da desocupación:	Aud. Prov. Sección n. 2 Lugo		
Motivo da desocupación:	Comisión de servizos	Corpo:	CAX
Órgano xudicial da desocupación:	Xdo. 1ª Instancia n. 3 Lugo		
Motivo da desocupación:	Vacante	Corpo:	CTPA
Órgano xudicial da desocupación:	Xdo. Instrución n. 3 Lugo		
Motivo da desocupación:	Comisión de servizos	Corpo:	CTPA
Órgano xudicial da desocupación:	Xdo. 1ª Instancia n. 5 Ourense		
Motivo da desocupación:	Comisión de servizos	Corpo:	CXPA
Órgano xudicial da desocupación:	Xdo. Instrución n. 1 Vigo		
Motivo da desocupación:	Licenza por enfermidade	Corpo:	CTPA
Órgano xudicial da desocupación:	Xdo. Mercantil n. 3 Pontevedra (Sede Vigo)		
Motivo da desocupación:	Excedencia	Corpo:	CXPA





Órgano xudicial da desocupación:	Xdo. do Penal n. 3 Pontevedra		
Motivo da desocupación:	Comisión de servizos	Corpo:	CTPA

Órgano xudicial da desocupación:	Xdo. 1ª Instancia n. 1 Pontevedra		
Motivo da desocupación:	Excedencia	Corpo:	CXPA

Órgano xudicial da desocupación:	Xdo. 1ª Instancia n. 1 Pontevedra		
Motivo da desocupación:	Comisión de servizos	Corpo:	CAX



ANEXO II

Órgano xudicial da desocupación:	Fiscalía de Área de Santiago de Compostela
Posto	Coordinador/a da Oficina de Fiscalía II
Corpo de adscrición	Xestión procesual e administrativa
Motivo da desocupación	Comisión de servizos

Requisitos

Será requisito indispensable estar en activo no corpo ao que figura adscrita a praza na correspondente relación de postos de traballo

Criteria de adxudicación do posto

A. Primeira fase: valoración de méritos xerais, cun máximo de 65 puntos

1. Antigüidade.

Polos servizos efectivos no corpo de adscrición do posto de traballo a que se opta, outorgaranse 2 puntos por cada ano completo de servizos, computándose proporcionalmente os períodos inferiores por meses ou, de ser o caso, por días. Para estes efectos os meses consideraranse de 30 días e a puntuación correspondente por día será de 0,0055556 puntos.

A puntuación máxima por este concepto será de 53 puntos.

2. Coñecementos da lingua galega.

A acreditación de coñecementos da lingua galega realizarase mediante os certificados de aptitude emitidos pola Secretaría Xeral de Política Lingüística da Xunta de Galicia ou pola Dirección Xeral de Xustiza, ou mediante certificados ou diplomas equiparados segundo a normativa vixente. A puntuación asignarase en función do nivel superior alcanzado:

- a) Celga 4 ou equivalente: 4 puntos.
- b) Curso medio de linguaxe xurídica galega: 8 puntos.



c) Curso superior de linguaxe xurídica galega: 12 puntos.

B. Segunda fase: valoración dos méritos específicos, cun máximo de 43 puntos

1. Coñecementos e experiencia profesional: a puntuación máxima será de 40 puntos.

Os coñecementos e experiencia profesional deberán ser acreditados, e baremaranse do seguinte xeito:

a) Polos servizos efectivos prestados en fiscalía no corpo de adscrición do posto de traballo a que se opta, outorgaranse 4 puntos por cada ano completo de servizos prestados nos 5 anos inmediatamente anteriores á presente convocatoria. Para estes efectos computaranse proporcionalmente os períodos inferiores por meses ou, de ser o caso, por días; os meses consideraranse de 30 días e a puntuación correspondente por día será de 0,0111111 puntos.

b) Polos servizos efectivos prestados en fiscalía no corpo de adscrición do posto de traballo a que se opta non baremables de conformidade co apartado anterior, outorgarase 1 punto por cada ano completo de servizos, ata un máximo de 20 puntos. Para estes efectos computaranse proporcionalmente os períodos inferiores por meses ou, de ser o caso, por días; os meses consideraranse de 30 días e a puntuación correspondente por día será de 0,0027778 puntos.

2. Formación específica e titulación: 3 puntos.

Valorarase a formación específica e titulación incluídas na relación de postos de traballo.

